

Cyngor Cymuned Llanystumdwy

Rhaglen Cyfarfod Blynyddol y Cyngor a rhaglen waith y Cyngor – nos Iau, o 13eg o Fai 2021 drwy Zoom yn brydlon am 8:15 y.h.

Fe anfonir linc i ymuno cyn y cyfarfod.

Rhaglen waith y Cyngor – nos Iau, 13eg o Fai 2021 drwy Zoom yn brydlon am 8:35 y.h.

Materion angen sylw oherwydd na ellir cynnal cyfarfod yn y man arferfol, oherwydd y COVID 19

Cyfarfod Blynyddol (i gychwyn 8.15 y.h. am yr 20 munud cyntaf)

1. Croeso gan y Cadeirydd ac ymddiheuriadau.
2. Cyflwyno a chadarnhau cofnodion cyfarfod blynyddol 18fed o Fehefin, 2020.
3. Materion yn codi o'r cofnodion.
4. Adroddiad ar waith y flwyddyn rhwng 1af o Ebrill, 2020 i'r 31ain o Fawrth, 2021 gan y Cadeirydd.
5. Adroddiad Ariannol am y flwyddyn 1af o Ebrill, 2020 i'r 31ain o Fawrth, 2021 gan y Clerc a'r Swyddog Ariannol Cyfrifol. Derbyn y cyfrifon am y flwyddyn.
6. Cyfle i'r trethdalwyr ofyn cwestiynau.
7. Ethol swyddogion am y flwyddyn 1af Ebrill, 2021 i 31ain o Fawrth, 2022:
 - a) **Cadeirydd**/(bydd angen trefnu i lofnodi datgan derbyn swydd).
 - b) **Is gadeirydd**/(bydd angen trefnu i lofnodi datgan derbyn swydd).
 - c) Ysgrifennydd a Swyddog Ariannol Cyfrifol- aros yr un fath/dim newid.
 - ch) Elusen William Ellis, Llanystumdwy, - Cynghorwyr Ward Llanystumdwy, bydd angen trefnu i un neu ddau o Gynghorwyr Llanystumdwy allu llofnodi sicrhau fydd angen.
8. Cadarnhau a oes angen newid unrhyw aelodaeth o bwyllgorau'r Cyngor, neu ei cadw yr un fath.
9. Dewis cynrychiolydd i:-
Bwyllgor Rhanbarth Un Llais Cymru
Grwp Mynediad Dwyfor

CYFARFOD ARFEROL Y CYNGOR (i gychwyn am 8:35 y.h.)

1. Ymddiheuriadau.
2. Cyflwyno a chadarnhau cofnodion cyfarfod y Cyngor gynhaliwyd ar 1af o Ebrill 2021.
3. Llofnodi cadarnhau taliadau BACS mis Ebrill 2021 –
(bydd y Clerc wedi trefnu i'r Cadeirydd ei llofnodi cyn y cyfarfod).
4. **Datgan buddiant personol**, (Clerc wedi anfon copi electroneg at bawb cyn y cyfarfod).
5. **Materion gan Cyngor Gwynedd**

- a) Rhybudd - Cau'r Ffordd Dosbarth III gyferbyn a ffordd mynediad Ynyswen, Llangybi ar y 12fed o Fai, 2021-gwaith adnewyddu 'stop tap' ar hyd y ffordd.
- b) Rhybudd - Cau'r Ffordd Dosbarth III, Pencaenewydd o goed Trallwyn at Bwlch Ffordd Isaf, ar 12fed o Fai 2021-gwneud y gwaith wnaed dros dro yn flaenorol nawr yn barhaol.
- c) Tŷ Newydd, Llanystumdwy - traeniad am oddeutu 3 diwrnod gan Adran Priffyrdd, yn ystod mis Mai 2021-dim dyddiad penodol wedi ei nodi.

6. Cyngor Gwynedd - ceisiadau cynllunio yn y gymuned

a) Cais rhif C21/0181/35/LL - Betws Bach, Ynys, Cricieth LL52 OPB - adeiladu 2 do newydd. Un dros storfa biswail/tail presennol a'r ail dros iard wartheg presennol. Roedd yr Adran Cynllunio wedi anfon y cais yma at Cyngor Tref Cricieth mewn camgymeriad, felly fe wnaeth y Clerc anfon llythyr atynt i gwyno a'i hysbysu, ac maent wedi anfon y cais at Gyngor Cymuned Llanystumdwy wedyn i'w ystyried yn y cyfarfod yma.

b) Cais rhif C21/0342/41/LL - Fferm Trefan, Llanystumdwy LL52 0LP - to dros iard fferm a tho dros storfa dail bresennol.

c) Cais rhif C21/0420/41/LL - Capel Moriah, Llanystumdwy, LL52 0SH - newid defnydd cyn gapel yn dŷ annedd.

7. **Asesiad risg** Cyngor Cymuned Llanystumdwy - y Clerc wedi gwneud ffurflen asesiad risg, ac wedi ei hanfon at y cynghorwyr am sylwadau, er mwyn ei roi ar wefan y Cyngor, ac i'w ddiweddarau'n flynyddol fel bydd angen.

Materion yn y gymuned.

8. **Arwyddion dim ysbwriel drwy'r gymuned** - y Clerc wedi anfon llythyr at Cyngor Gwynedd i dynnu sylw fod llawer o sbwriel yn cael ei adael/daflu ar hyd ochrau ffyrdd a llecynau parcio o amgylch y gymuned.

Y rhai amlycaf oedd:-

Pencaenewydd/ Llangybi / Llanarmon

Ar draws y lon i Ffatri Laeth, Rhydygwystl,

Lon rhwng cyffordd Tyddyn Gwyn a chyffordd Ranch Llanystumdwy

Mae llawer o'r sbwriel yn ganiau/poteli diod, cardfwrdd/plastic ac yn edrych fel pe byddent wedi cael ei taflu drwy ffenstri ceir.

Mae hefyd broblem o - adael sbwriel yn 'slei bach' yma ac acw, yn benodol dros bont **Bryn Beddau, Rhoslan**-sachau duon a rhewgell (ac fe anfonwyd llun atynt drwy ebost).

Mae nifer o drigolion yr ardal wedi bod yn casglu sbwriel rhwng Pencaenewydd a Llangybi, ond y teimlad oedd fod angen gwneud rhywbeth i atal y broblem.

Gofynwyd tybed a fyddai'n bosib gosod mwy o arwyddion o amgylch yr ardal mewn mannau penodol, neu a fyddai'n iawn i'r Cyngor Cymuned osod rhai ein hunain?

Argymhellwyd bod angen addysgu'r cyhoedd, a chreu mwy o ymwybyddiaeth rhywsut.

Hefyd gofynwyd beth oedd y camau mae Cyngor Gwynedd yn ei gymryd i geisio datrys y broblem ond nid oedd ateb wedi cael ei dderbyn eto.

8. Llanystumdwy

Cynghorydd Naomi Jones - derbyniwyd ebost yn dweud ei bod yn bwriadu rhoi'r gorau i fod yn Cynghorydd Ward Llanystumdwy, ond ei bod yn fodlon dal ati fel Cynghorydd nes bydd

rhywun newydd wedi'i benodi / ei phenodi - hyd yn oed os ydi hynny'n golygu dal ati tan gyfarfod blynyddol 2022.

9. Rhoslan/Ynys

10. Chwilog

a) **Llwybr sy'n cysylltu'r Lon Goed â fferm Chwilog Fawr**- y Cynghorydd Aled Evans wedi cysylltu hefo Mr Dewi Owen, Cyngor Gwynedd i holi os oes modd trwsio'r bont, oherwydd ei bod yn lwybr poblogaidd.

b) **Parcio yn Chwilog** - angen trafodaeth, pryder oherwydd y cynnydd mewn tai yn y pentref, ac y bydd yn anodd parcio yno pan fydd pethau yn cael ei cynnal yn y capeli a'r neuadd.

c) **Bin baw cwn ar y Lon Goed ger Cefn Coed, Chwilog** - angen ei wagio, y Clerc wedi hysbysu Cyngor Gwynedd.

ch) **Parcio yn Glan y Wern** - wedi derbyn sawl cwyn yn dweud fod dau gar yn parcio drwy'r dydd a nos ar y llinellau dwbwl. Y Clerc wedi hysbysu Adran Priffyrdd i ofyn os gall rhywun fynd yno i ddatrys y broblem.

11. Pencaenewydd/Sardis

Safle pasio, 'lay by'- cais i ofyn wrth Cyngor Gwynedd am fwy o safleoedd pasio i gerbydau rhwng Sardis i Pensarn, Mynachdy Bach ac i'r tro am Llanaelhaearn.

12. Llangybi

Cae chwarae - Rheoliadau Gwahardd Ysmygu Cymru wedi dod i rym ers 01.03.21, felly mae gwaharddiad ar ysmygu mewn mannau cyhoeddus a meysydd chwarae. Y Clerc wedi cysylltu âg Amanda Murray, Cyngor Gwynedd ac mae am anfon arwydd pwrpasol at y Clerc.

13. Enwau lleol -

Y Clerc wedi trafod hefo Mr Osian Richards, Ymgynghoriaeth Cyngor Gwynedd, ac roedd yn dweud byddai Cyngor Gwynedd yn fodlon gosod yr arwyddion ar y 4 pont yn ddi-gost i ni, er mwyn iddynt gael ei gosod mewn man addas, ac o ran diogelwch.

Mae wedi trefnu i gyfarfod y Cynghorydd Aled Evans a'r Clerc i weld y pontydd i drafod lleoliad yr arwyddion, yn ystod pnawn 12.05.2021.

Gellir trefnu i archebu'r arwyddion wedyn, gan Llechi'r Ddraig ar ôl y cyfarfod.

14. Gwaith ar y llwybrau, Ebrill 2021 ymlaen.

- Llwybr swyddogol o Ffynnon Cybi i ben Garn Bentyrch, un toriad.
- Llwybr dan bont y rheilffordd i'r traeth yn Afonwen, dau doriad.
- Llwybr heibio Ynysgain Bach hyd at bont y rheilffordd, dau doriad.
- Llwybr o'r ffordd fawr i fyny at fythynnod Tŷ Newydd, dau doriad.
- Llwybr Clawdd Llanw o Bontfechan dros y rheilffordd am Ty'n Morfa, dau doriad.
- Ceg y llwybr ar hen ffordd Abercin, ochr y pentref i'r ffordd osgoi.
- Cadw safle bedd D. Lloyd George yn daclus yn ystod y tymor.
- Cytundeb torri Cae Chwarae Llangybi (*cytundeb a wnaed 3 mlynedd yn ol o 2018 wedi dod i ben*).

Wedi cael ei hysbysebu ar y wefan, Y Ffynnon a'r hysbysfyrddau i gael prisiau, hefo dyddiad cau 07.05.2021, er mwyn ei trafod yn y cyfarfod fis Mai. Angen trafod prisiau, bydd y Clerc wedi anfon y prisiau a dderbyniwyd at y Cyngorwyr o flaen y cyfarfod.

15. **Glanhau llochesi bws** – wedi derbyn 2 bris, Spick’n’Span, a Criccieth Cleaning. Angen trafod.

Materion Ariannol

16. Adroddiad Ariannol gan y Clerc a’r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen ‘excel’ o’r sefyllfa ariannol hyd at 13.05.2021. Mae hyn yn cadw golwg manwl ar y gwariant sydd eisioes wedi ei wneud.

17. **Praesept** – wedi derbyn y taliad cyntaf o £9,000.00 ar 27.04.2021.

18. **Cyflog Clerc**:- Ar sail gohebiaeth a dderbyniwyd gan NALC drwy Un Llais Cymru a SLCC/ALCC ar 26.08.2020, derbyniwyd tabl graddfeydd cyflog ar gyfer clercod. Ar hyn o bryd mae’r tabl yma dal i fod yn gyfredol. Felly mae cyflog y Clerc yn cychwyn ar rif 7 – 12, o’r raddfa cenedlaethol SCP. Hefyd, i gymhlethu pethau, 2 flynedd yn nol fe wnaethant newid y rhifau sydd ar y raddfa cyflog o ddechrau Ebrill 2019, oherwydd y ‘cyflogau byw cenedlaethol’. Felly bydd cyflog y Clerc yn cychwyn ar rif 7 – 12, yn lle 18 – 22, o’r raddfa cenedlaethol SCP.

Felly, mae cyflog y Clerc a’r Swyddog Ariannol Cyfrifol o Ebrill 1af, 2021 ymlaen yn symud i fyny ar y raddfa cyflog, o **pwynt 9 i pwynt 10, sef o £10.83 i £11.05 yr awr, x 35 awr y mis = £386.75.**

Mae cyflog y Clerc yn ol y cytundeb cyflogaeth yn datgan:-

1. Cyflog

1.1 “Mae eich cyflog yn unol â phwynt cyflog NJC ar gyfer clercod rhan amser sef ar raddfa LC1 – SCP 18-22.

1.2 Ar yr amod fod eich perfformiad yn foddhaol, byddwch yn symud yn awtomatig drwy’r raddfa gyflog trwy godiadau blynyddol hyd nes ichi gyrraedd uchafbwynt y raddfa. Bydd eich codiad cyflog cyntaf yn daladwy ar 1 Ebrill 2019 ac wedi hynny ar 1af Ebrill bob blwyddyn hyd nes ichi gyrraedd uchafbwynt y raddfa. Gall y Cyngor ddal codiad cyflog yn ôl os bernir fod eich perfformiad yn is na’r disgwyl, yn dilyn adolygiad blynyddol.”

Angen penderfynu os yw hyn yn foddhaol, a bod y graddfa cyflog yn codi.

19. **Cyfeillion Capel Bethania, Pistyll, sef capel Tom Nefyn** – apél am arian i achub y capel, (drwy ‘gofundme’) ymgyrch i brynu’r adeilad hanesyddol - llythyr wedi ei dderbyn drwy’r post, ac yn mynd ar werth drwy ocsiwn ar 14.05.2021. (*Nid oes cerdyn banc ar gael chwaith gan y Cyngor i wneud taliad drwy ‘gofundme’*).

20. **Taliadau** BACS angen cael ei gwneud yn dilyn y cyfarfod 13.05.2021:

Enw/Rheswm	Rheswm	Pris £	TAW	Cyfanswm Taliad £	Taliad BACS £
Delwedd	Costau Lletya Blynyddol (Llanystumdwy 005)	<u>411.38</u>	<u>82.28</u>	<u>493.66</u>	<u>493.66</u>
Cyngor Gwynedd	Gwagio baw bin cwn, Chwilog rhwng 15.10.20-31.03.21	<u>87.75</u>	<u>17.55</u>	<u>105.30</u>	<u>105.30</u>
ICO ‘Swyddfa Gwybodaeth Comisiynydd’	Cofrestru hefo’r Swyddfa Comisiynydd Diolgelu Data-(mae hwn yn mynd i gael ei dalu drwy ddebyd uniongyrchol 22.05.21)	<u>35.00</u>		<u>35.00</u>	<u>35.00</u>

Zurich Municipal	Yswiriant blynyddol rhwng 01.06.2021-31.05.2022 (506257511)	<u>667.41</u>	<u>80.09</u>	<u>747.50</u>	<u>747.50</u>
------------------	---	----------------------	---------------------	----------------------	----------------------

Cyflog mis Ebrill 2021 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS :- £
Cyflog sylfaenol y Clerc, Ebrill 2021 35 awr y mis x £11.05 = £386.75	386.75 - Llai treth £77.35 = £309.40	<u>309.40</u>	<u>309.40</u>
Cyllid a Thollau EM Treth ar enillion y Clerc Ebrill 2021	386.75 x 20% = £77.35	<u>77.35</u>	<u>77.35</u>
Costau'r Clerc Ebrill 2021	£16.66	<u>16.66</u>	<u>16.66</u>

Bydd y cyfarfod nesaf ar nos Iau 03.06.2021.

It is possible to get an English translation of any minute, please contact the Clerk.